

GRAD ZENICA



rtze



powered by  
**Bingo**



# ZENICA SUMMER FEST

111

**PETI LJETNI FESTIVAL  
ZENICA SUMMER FEST 2022.**

**29.07. - 17.08.**

GRAD ZENICA



powered by  
 **Bingo**



ZENICA SUMMER FEST je međunarodna kulturno-zabavna manifestacija, koja ima za cilj da, tokom toplih ljetnih julsko/avgustovskih dana, animira Zeničane i posjetioce iz drugih gradova Bosne i Hercegovine i regiona, naročito Zeničanke i Zeničane, razasute po cijelom svijetu, koji su upravo u tom periodu u svojoj i našoj Zenici. Termini održavanja svih evenata u okviru ove manifestacije prilagođeni su, dakle, periodu kada najviše dijaspore boravi u Zenici, pa su, najvećim dijelom, sadržaji planirani za kraj mjeseca jula, odnosno prvu polovinu augusta. Cilj je da dijaspora, prisutna u Zenici u ovom periodu, kao uostalom i sve Zeničanke, Zeničani i ostali građani naše države i susjednih zemalja, dožive Zenicu u najljepšem svjetlu. Dobre strane ovog Projekta su, prije svega, činjenica da će se najveći dio Zeničana, kao i

drugih posjetilaca Grada, tih vrućih ljetnih dana, osjećati kao stanovnici velikih svjetskih metropola, gdje su ovakvi event i svakodnevnica i potpuno uobičajena pojava. Najbitnija činjenica ZENICA SUMMER FEST-a je da su svi sadržaji potpuno besplatni za sve posjetioce.

#### **Vizuelni identitet ZSF**

U cjelini, predstavlja jedan veliki FESTIVAL, a svaki od prikazanih simbola, koji su karakteristični za Grad Zenicu, simbolizira jednu interesantnu priču, koja je, opet, ravna „festivalu“. Stadion i ono što on predstavlja i simbolizira nema potrebe niti objašnjavati. Visoka peč, koja, čak i kada se pomene kao asocijacija u igricama, odmah podsjeća i simbolizira Grad Zenicu. Visoka peč je, naravno, „srce“ nekadašnje Željezare, današnjeg ArcelorMittala. Kompleks zgrada simbolično nazvan „Kineski zid“, sigurno je

jedan od najskupljih stambenih građevinskih projekata u Zenici i šire i, naravno, jedan je od simbola Zenice. Zgrada RMK prometa, građena osamdesetih godina prošlog stoljeća, predstavljala je u to doba jednu od najmoćnijih kompanija tadašnje zajedničke države. Danas simbolizira sjedište Vlade Zeničko-dobojskog kantona, koje je upravo u Zenici. Umjetničke skulpture instalirane na Kamberovića polju također su svojevrsan simbol Zenice. Lamela je veliki stambeni blok, koji predstavlja niz od šest stepenasto poredanih, međusobno povezanih lamela, različite visine i još jedan je od simbola Grada Zenice. Crni polukrug grba Zenica Summer Festa simbolizira Rudnik ispod Zenice. Tu su ugravirana tri slova – inicijali ZENICA SUMMER FEST – ZSF. Crveno sunce očekujemo uskoro da izađe i obasja naš Nogometni klub Čelik.



## **SVEČANO OTVARANJE FESTIVALA**


**Petak, 29.07.2022. u 20:30 sati**

**Trg Alije Izetbegovića**

Zenica Summer Fest 2022. svečano će biti otvoren specijalnim plesnim performansom, a Festival će zvanično otvoriti gradonačelnik Zenica Fuad Kasumović. Svečano otvaranje Festivala

će biti u „live“ prijenosu u programu RADIO-TELEVIZIJE ZENICA, koja je i ove godine dobila povjerenje Gradske uprave i Gradonačelnika da bude nosilac kompletne organizacije i tehničke

realizacije Festivala. Nakon svečanog otvaranja, čast da prvi nastupi i na taj način i službeno otvori Zenica Summer Fest 2022. imat će Nina Badrić.



## **KONCERT: NINA BADRIĆ**

**Petak, 29.07.2022. u 21:00 sati**

**Trg Alije Izetbegovića**

Bosanskohercegovačka i zenička publika željno iščekuje da čuje sjajne izvedbe ove regionalno poznate zvijezde pop muzike. Njene bezvremenske hitove – „Dani i godine“, „Čarobno jutro“,


„Takvi kao ti“, „Znam te ja“, „Nije mi svejedno“, „Sreću duguješ meni“ i mnogi drugi će, sigurno, rasplesati i razigrati mnogobrojnu publiku. Već od prve objave da na ovogodišnjem Zenica

Summer Festu nastupa Nina Badrić, za koncert vlada veliko interesovanje mladih, tako da očekujemo će Kamberovića polje u Zenici ovog puta biti u potpunosti ispunjeno mladošću.

## **DŽENAN SELMANAGIĆ - SMAJKI LAJKI**

**Subota, 30.07.2022. u 10:30 sati**

**Trg Alije Izetbegovića**



Podstaknuti željom da sudjelujemo u kreiranju zdravog okruženja naše djece i promovisanja iskonskog dobra koje svako dijete i čovjek nosi u sebi, odlučili smo našim najmlađim sugrađanima

pokloniti zabavu koju će dugo pamtili. U programu koji će specijalno za naše mališane prirediti Mravko Travko, uz nesebičnu pomoć Instituta Yunus Emre, naše djevojčice i dječaci će moći osjetiti čaroliju

bajke, uz pjesme koje će slušati i pjevati. Ovo je jedan od četiri programa ZSF-a koji je namijenjen za mališane.

## **BALAŠEVIĆ TRIBUTE BAND - TAJNI GAZ**

**Subota, 30.07.2022. od 20:30 sati**

**Trg Alije Izetbegovića**



BALAŠEVIĆ TRIBUTE BAND - TAJNI GAZ – Bezvremenski hitovi neprevaziđenog Đoleta Balaševića ponovo će oživjeti kroz nastup Balašević tribute band-a, skupine koja baštini muzičko naslijeđe

panonskog mornara. Sam Balašević svojevremno je u šali za njih rekao “kradljivci ‘ljeba”, i otvoreno podržao njihov rad. Možda kopija, ali dosta uvjerljiva, u što ćete se uvjeriti ukoliko ispratite

njihov nastup, koji će sigurno u svima probuditi nostalgiju i uspomene na neka sretna vremena i jednog i jedinog Balaševića.



## **ZSF BABY DAY** **Subota, 31.07.2022. od 10:30 sati** **Trg Alije Izetbegovića**

Nešto sasvim novo, drugačije, jedinstveno, što smo uveli u program Zenica summer festa – ZSF BABY DAY, najbolja zabava za najmlađe Zeničane.

Drage mame i tate, dajte priliku najmlađim članovima Vaše porodice da se dokažu na sportskom polju i učestvuju u

utrci beba, puzijadi, ali i dugim raznovrsnim i najmladem uzrastu prilagodenim sadržajima koje pripremaju animatori, zaduženi za motivaciju i zabavu učesnika. Ovaj događaj u okviru 5. Zenica Summer Festa ima za cilj promociju prava

djeteta i zaštite porodice, te promociju razvijanja zdravih životnih navika, a realizuje se u koprodukciji sa Multiplex Ekranom i Tropikom Zenica, koji su najpozvaniji za organizaciju jednog ovakvog eventa, obzirom da u tome imaju najviše iskustva.

## **Noć Rock'n'Rolla Vranduk**


## **NOĆ ROCK'N'ROLL-a VRANDUK** **Nedjelja, 31.07.2022. u 18:00 sati** **Tvrđava Vranduk**

Udruženje estradnih umjetnika Zeničko-dobojskog kantona i ove godine organizuje u Vranduku „Noć rock'n'rolla“. Ova, već tradicionalna, deseta po redu manifestacija, održava se u Vrandučkoj tvrđavi. Dosadašnji učesnici „Rocka“ na Vranduku su: „EGOIST SHOW BEND“

(Zenica), „ROK GRUPA Doma kulture Žepče“, „ČEIF“ (Nemila), „KAMENJARI“ (Vranduk), „TAXI BEND“ (Zenica), „EXTRA 2000“ (Travnik), „NINA & LOWERDOSE“ i „NEMOGUĆE VRUĆE“ (Zenica), a kao specijalni gost prije tri godine na Vrandučkoj tvrđavi pojavio se i MLADEN VOJJIČIĆ

TIFA, sa svojim bendom. Novina od prošle godine, otkako je ova tradicionalna manifestacija ušla u program Zenica Summer Festa je da je obezbijeden i prijevoz autobusom od Zenice do Vranduka, sa polaskom u 17:00 sati ispred stadiona Bilino polje.

**SEVDIŠIMO ZAJEDNO**  
**Nedjelja, 31.07.2022. u 20:30 sati**  
**Trg Alije Izetbegovića**



Sevdalinka za svakog pjevača predstavlja veliki izazov, tako da ih mogu izvoditi samo najbolji, a publiku će na Trgu Alije Izetbegovića ove večeri – u sevdah pjesmom – odvesti neki od najboljih domaćih

interpretatora sevdalinke koji će se predstaviti na koncertu „Sevdišimo zajedno“. Uz pratnju narodnih orkestara, publika će uživati u bogatom programu, a najljepše sevdalinke koje se već

decenijama pjevaju i osvajaju publiku svih generacija pažljivo su odabrane. Ovaj program se realizuje u saradnji sa KUD Bosnia Folk.

**VEĆE NARODNIH IGARA**  
**Ponedjeljak, 01.08.2022. u 20:30 sati**  
**Trg Alije Izetbegovića**



Veće narodnih igara još jedan je od sadržaja koji je i ove godine zaslužen našao svoje mjesto u programu 5. ZENICA SUMMER FEST-a. U srcu Zenice ponovo će se okupiti brojni KUD-ovi iz naše zemlje i

okruženja, a Ansambl „Bosnia folk“ potrudice se da opravda renome dobrog domaćina, da ostvari cilj i podstakne mlade da se druže kroz igru i pjesmu. Programom će biti prikazana sva ljepota, raznolikost i

bogatstvo naše folklorne umjetnosti, kao i bogati stvaralački duh našeg naroda i koreografskih stvaralaca.



**„mAlI, a VeLiki“ & FANTASTICO ANIMATORI**  
**Utorak, 02.08.2022. od 18 do 22 sata**  
**Trg Alije Izetbegovića**

„Fantastico animatori“ su grupa prijatelja okupljenih oko zajedničke ideje o mijenjanju načina toka svakodnevice, ljudi i stvari koje je čine, sa ciljem da drugačijim pristupom i pogledom na život, kroz svoje aktivnosti, služe kao neiscrpan

izvor inspiracije i zabave. Igre i druženja, street art, hodanje na štulama, baloni od sapunice, vilinski ples, besplatni zagrljaji, žongliranje..., sve što im padne na pamet, samo da je sjajna atmosfera u utorak,

02.08.2022. godine, a kao njihov specijalni gost nastupit će i čika Bidin, zvijezda show-a RTV ZENICA - „mAlI, a VeLiki“. Ovo je jedan od programa koji se ne smije propustiti, a namijenjen je i za djecu i za odrasle!



**NENO MURIĆ**  
**Srijeda, 03.08.2022. u 20:30 sati**  
**Trg Alije Izetbegovića**

Neno Murić je interpretator pop muzike koji svojim jedinstvenim glasom i zanimljivim nastupom uvijek pridobije simpatije publike na njegovim koncertima.

Neno nam se vraća na Zenica Summer Fest, po drugi put, a u posljednje vrijeme je rado viđen i čest gost u našem gradu. Uz prepoznatljivost vokala, balade koje „lome“

srca, Murić će sigurno ovu festivalsku noć učiniti nezaboravnom i magičnom.



**ZENICA ACTIVE SESSION:  
Bruhuuhu;  
Pandemic Stereo & Trojica  
Četvrtak, 04.08.2020. u 20:30 sati  
Trg Alije Izetbegovića**



Zenički bandovi zajedničkim snagama donose nam ritam za probranu publiku i drugačiji žanr od onoga koji svakodnevno pratimo na radio stanicama. Oni su ekipa prijatelja, odnosno naši

‘momci iz komšiluka’ koji zaslužuju pažnju i poštovanje, a da je njihov rad i kvalitet prepoznat dovoljno govore i nagrade koje su neki od navedenih bandova osvajali na regionalnim takmičenjima.

Zenica active session posebno će biti zanimljiva mladim generacijama, a nekoliko sati svirke dodatno će ugrijati ionako vrelu festivalsku atmosferu.

**MOTORIJADA MC CONDOR  
Atomsko sklonište & Gruver  
Petak, 05.08.2022. u 20:30 sati  
Kamberovića polje**



Po prvi put u programu Zenica Summer Festa je i tradicionalna „Motorijada“ Moto Cluba Condor iz Zenice, koja će okupiti ‘žestoke’ momke, ali i donijeti ‘žestoku’ svirku. Prvi dan Motorijade, a ujedno i osmi dan ZSF-a, rezervisan

je za Atomsko sklonište. Decenije karijere obilježene nezaboravnim nastupima materijal su za ozbiljan roman. Iako su imali ogroman broj velikih solističkih koncerata, posebno su rado viđeni na skupovima motociklista

(bajkera) širom „regiona“, kojima su Atomci već postali i jedan od zaštitnih znakova. Prije Atomskog skloništa, na velikoj festivalskoj bini atmosferu će zagrijati sjajni momci iz Zenice – GRUVER.



## **MOTORIJADA MC CONDOR** **Zabranjeno pušenje & Euforija** **Subota, 06.08.2022. u 20:30 sati** **Kamberovića polje**

Jedna od grupa koja, također, živi decenijama, u raznolikim sastavima i čiji je pečat na muzičkoj sceni regije ostavio dubok trag je, svakako i Zabranjeno pušenje, koje pratimo i slušamo drugog dana Motorijade i devetog dana ZSF.

„Zenica blues“ je neizostavni dio bogatog repertoara, a zbog ove pjesme su i posebno rado viđeni u našem gradu, gdje ih nestrpljivo iščekujemo posljednjih godina. Tu su i brojni drugi hitovi koje ako krenemo nabrajati neće moći

statu u ovih par redova, pa je dovoljno reći da nikako ne smijete da propustite njihov nastup i zabavljate se do kasno u noć. Prije Pušenja, motoristima i „civilima“ predstaviti će se grupa „EUFORIJA“.



## **Family piknik – ŠETNICA OSMIJEHA** **Nedjelja, 07.08.2022. u 18:00 sati** **Trg Alije Izetbegovića**

Šetnica osmijeha je na premijernom, ali i svakom narednom izdanju ZENICA SUMMER FEST-a proglašavana za najbolji program, ali to nije jedini razlog zbog čega je ovaj sadržaj, namijenjen prije svega djeci i omladini i i ove godine uvršten u program ZSF-a. Sigurni smo da će Šetnica osmijeha, ponovo, okupiti na stotine mališana u

druženju sa maskotama svojih omiljenih likova iz crtanih filmova, interaktivnim kreativnim igrama i zabavnim radionicama, koje nam pripremaju majstori dobre zabave za najmlađe, naši dragi prijatelji iz Multiplexa Ekran i Tropic Zenica. Spužva Bob, Maša i medvjed, Minionsi, PJ Maske samo su neki od „učesnika“ u Šetnici osmijeha,

koji su najmlađima dostupni za fotografiju i za razgovor. Pored toga, mališani će imati priliku da se druže i upoznaju sa vatrogascima, policajcima, ljekarima i osobljem Hitne pomoći, koji će na dan ‘Šetnice’ predstaviti svoja zanimanja i opremu koju koriste na svojim svakodnevnim zadacima.

## **MEĐUNARODNI TAMBURAŠKI SUSRETI** **Nedjelja, 07.08.2022. u 20:30 sati** **Trg Alije Izetbegovića**



Ljubitelji tamburica i starogradske pjesme svakako će doći na festivalski trg, kada na binu Zenica Summer Festa stižu brojni tamburaški sastavi iz naše zemlje i regiona. Svi oni donose raznovrstan repertoar, na kojem se nalazi

prepoznatljiva i popularna sevdalinka, kao i starogradska pjesma, a zabavna i klasična muzika dopunjava njihov široki muzički opus. Bit će ovo prilika da mladi saznaju da ima lijepih pjesama koje možda ne znaju,

a one stariji će se, uz zvuke tamburice i prepoznatljive ritmove i stihove, sigurno vratiti u mladost. Nosilac aktivnosti organizacije Međunarodnih tamburaških susreta je Gradsko umjetničko društvo Filigran.

## **PLES SA ZVIJEZDAMA** **Ponedjeljak, 08.08.2021. u 20:30 sati** **Trg Alije Izetbegovića**



Nekoliko najtrofejnijih plesnih klubova iz Zenice, koji okupljaju preko 300 polaznika, većinom djece, napraviti će veliki show u srcu Zenice. Plesno večer - Cubana night, u organizaciji plesnog kluba

Shadows, koji je nosilac brojnih medalja na evropsko-svjetskim takmičenjima u plesu, proći će u znaku saradnje svih plesnih klubova iz Zenice i to je poseban kuriozitet i prednost ove festivalske večeri. Shadows

će specijalno u ovoj večeri ugostiti sve zeničke plesače, koji su se aktivno bavili plesom i zbog toga se i ovaj program zove Ples sa zvijezdama, jer su, upravo svi posjetioци Festivala - ZVIJEZDE!



**TROPICO BAND**  
**Utorak, 09.08.2022. u 20:30 sati**  
**Trg Alije Izetbegovića**

Tropico band je muzički sastav koji postoji od 2002. godine i poslije više od 60 pjesama možemo samo da zaključimo da su jedan od najpopularnijih sastava čiji hitovi su obilježili posljednjih desetak godina. „Zauvek tvoj“, „Misliću na tebe“,

„Bojim se“, „Zaboravi“, „Onu koju“, su samo neke od rado slušanih pjesama, a njihova originalnost izdvojila ih je od ostalih komercijalnih bendova sličnih karakteristika. Njihovi nastupi uvijek su maksimalno ispraćeni, bez obzira gdje

nastupali u regiji, a nama je zadovoljstvo da će ove godine biti dio najvećeg ljetnog festivala u regiji „Zenica Summer Fest-a“. Naši zenički romantičari, popularni ROMANTIC BEND, će pripremiti atmosferu i zagrijati posjetioce na festivalskom trgu.



**ADI ŠOŠE & AL MUSIC band**  
**Srijeda, 10.08.2022. u 20:30 sati**  
**Trg Alije Izetbegovića**

Adi je jedan od mladih izvođača, kojeg je šira javnost upoznala nastupima u nekoliko muzičkih show programa, a u kojima je svojim jedinstvenim glasom i nastupima ‘pobrao’

velike simpatije regionalne publike. Iz njegove biografije izdvaja se i saradnja sa grupom „Miligram“, ali je procijenio da bi mu budućnost ipak trebala biti obilježena solo nastupima.

Sjajna energija, originalan vokal su ono što krase njegove koncerte, a bogati i raznoliki repertoar će sigurno „kupiti“ sve generacije posjetilaca ove festivalske večeri.

**ILMA KARAHMET**  
**Četvrtak, 11.08.2022. u 20:30 sati**  
**Trg Alije Izetbegovića**



Ilma Karahmet je mlada bosanskohercegovačka muzička zvijezda, koja je svoje prve korake u muzici obilježila učešćem na muzičkim festivalima i takmičenjima. Sa svojih trinaest (13) godina, kao najmlađi učesnik, pojavila se na prestižnom takmičenju "X Factor Adria"

u Beogradu (Srbija), gdje bila finalista pored 12.000 prijavljenih takmičara. Posljednje muzičko takmičenje gdje se Ilma pojavila bilo je regionalno takmičenje "RTL Zvijezde" u Hrvatskoj. Pred uglednim Žirijem, u kojem su učestvovala i dvije naše

ovogodišnje zvijezde (Nina Badrić – otvara ZSF i Petar Grašo – zatvara ZSF) i pored velike konkurencije kandidata, Ilma je odnijela ubjedljivu pobjedu i osvojila prvu nagradu od 100.000 Kuna. Ilma ima nekoliko singlova koji broje milionske preglede na Youtube.

**AL'DINO & SLAĐANA MANDIĆ**  
**Petak, 12.08.2022. u 20:30 sati**  
**Trg Alije Izetbegovića**



Kombinacija koja u muzičkom smislu kroz interpretaciju mnogobrojnih hitova nikoga neće ostaviti ravnodušnim – AL'DINO & SLAĐANA MANDIĆ. Šarm i duhovitost, ali i izuzetno

emotivni i uvijek rado slušani hitovi Al'dina, ali i vrhunski performans koji zajedno pripremaju, garantovano je da će dodatno razveseliti. „Čaršija“ je naslov jedne

od njegovih najslušanijih pjesama, a Al'dino je i u Zenici uvijek prihvaćen kao u svojoj čaršiji. Prema reakcijama potencijalnih posjetilaca, bit će ovo noć za pamćenje.



**POTRAGA ZA KONAČIŠTEM**  
**Predstava za djecu**  
**Subota, 13.08.2022. u 10:30 sati**  
**Trg Alije Izetbegovića**

Predstava za djecu „Potraga za konačištem“, autorski pozorišni projekat, maštovite scenografije, muzike, originalnih kostima i niza duhovitih i edukativnih scena. Priča je to o dva lika

koji tragaju za konačištem da konačno odmore od silnih ‘putešestvija’, ali umor ih sustiže i oni pjesmom, igrom i pričom pokušavaju razbuditi se i dobiti dodatnu energiju da dođu tamo gdje su naumili.U

U ovoj dječijoj predstavi uloge igraju afirmisani, poznati, a i dalje mladi umjetnici - Elvis Jahić i Irfan Kasumović.



**POP ROCK ŠKOLA SARAJEVO**  
**Subota, 13.08.2022. u 20:30 sati**  
**Trg Alije Izetbegovića**

Sa željom da se nastavi priča sarajevske rock scene koja je zlatno doba obilježila od 1960. do 1991. godine, 2016. godine, gotovo 25 godina kasnije, grupa entuzijasta dolazi do ideje da se pokrene

Pop Rock Odsjek pjevanja, a koji će biti razlog i osnivanja „Pop Rock Škole Sarajevo“. Njihovi studenti dolaze iz gotovo svih dijelova Bosne i Hercegovine, a među njima ćemo imati priliku vidjeti i

neka poznata lica. Zadovoljstvo nam je što ih ove godine možemo ugostiti na najvećem regionalnom ljetnom festivalu, a oni najavljuju dobru svirku i odličnu zabavu.

**LATIF MOĆEVIĆ – MRAVKO TRAVKO**  
**Nedjelja, 14.08.2022. u 10:30 sati**  
**Trg Alije Izetbegovića**



Podstaknuti željom da sudjelujemo u kreiranju zdravog okruženja naše djece i promovisanja iskonskog dobra koje svako dijete i čovjek nosi u sebi, odlučili smo našim najmlađim sugradanima

pokloniti zabavu koju će dugo pamtiti. U programu koji će specijalno za naše mališane prirediti Mravko Travko, naše djevojčice i dječaci će moći osjetiti čaroliju bajke, uz pjesme koje će slušati i pjevati.

Ovo je jedan od ukupno šest programskih sadržaja ovogodišnjeg Zenica Summer Festa koji je namijenjen za naše najmlade.

**GALA KONCERT**  
**KAMERNOG SIMFONIJSKOG ORKESTRA**  
**Nedjelja, 14.08.2022. u 20:30 sati**  
**Trg Alije Izetbegovića**



Jedinstveni događaj proteklih, do sada održanih festivala, o kojem se još preporučava je koncert „Muzika raspoloženja“, u izvedbi Kamernog simfonijskog orkestra Zenica. Temama iz svijeta filma,

Kamerni orkestar je ‘ispunio’ srca i dušu svih ljubitelja simfonijske muzike. Svi koji su propustili koncert Kamernog simfonijskog orkestra na nekom od prethodnih izdanja ZSF neka se pripreme za „Gala

koncert“, koji nam Kamerni simfonijski orkestar ovaj put donosi na otvorenu scenu ZENICA SUMMER FEST-a u srcu Zenice.



**ZLATAN KARIĆ & COVER ART**  
**Ponedjeljak, 15.08.2022. u 20:30 sati**  
**Trg Alije Izetbegovića**

Jedan od lidera zeničke muzičke scene, Zlatan Karić, uvijek se rado odaziva na pozive organizatora za nastup u svom gradu. Njegov „muzički izraz“ postao je prepoznatljiv zbog posebnosti

koja ga karakteriše, a njegova energija na ‘živim’ nastupima posjetioce uvijek „natjera” da zaplešu u jedinstvenim ritmovima, po čemu se Zlatan i izdvaja od drugih izvođača. Zlatan je zlatna zenička

muzička priča, u kojoj ćete, vjerujemo, uživati i vi tokom nastupa u programu Zenica Summer Festa.



**MIRZA SELIMOVIĆ**  
**Utorak, 16.08.2022. u 20:30 sati**  
**Trg Alije Izetbegovića**

Pretposljednja noć, 19. po redu, ovogodišnjeg Zenica Summer Fest-a rezervisana je za mladog i perspektivnog izvođača, pobjednika Osme sezone najpopularnijeg regionalnog takmičenja „Zvezde Granda“ – a našeg Bosanca i Hercegovca

- Mirzu Selimovića. Mirza, ili Slavuj iz Srebrenika, kako od milja zovu, krupnim koracima trasira put do regionalne zvijezde, nižući hit za hitom, a u maju ove godine publiku je obradovao spotom za pjesmu „Plakačeš”, za koju muziku

potpisuje Vasilis Gavrilidis, a tekst je djelo Jelene Trifunović. Selimović spada u red najtraženijih mladih pjevača u regionu i ima ugovorene nastupe nekoliko mjeseci unaprijed.



**PETAR GRAŠO**  
**Srijeda, 17.08.2022. u 20:30 sati**  
**Trg Alije Izetbegovića**



Jedan od najboljih izvođača današnjice sa prostora ex Jugoslavije, Petar Grašo, održat će svoj veliki solistički koncert na otvorenoj sceni festivalskog trga, čime ćemo i svečano zatvoriti ovogodišnji

Zenica Summer Fest. Za koncert vlada veliki interes publike, kako iz Zenice, tako i iz cijelog regiona, a izuzetno zahtjevna produkcija, kao i sama organizacija, garantuju vrhunsku zabavu. Očekujemo

da će ovaj koncert publici pružiti nezaboravne i vesele trenutke na završetku Zenica Summer Festa 2022. godine.



Ovogodišnji, peti po redu, ZENICA SUMMER FEST, okupio je trenutno najeminentnija imena, kako bosanskohercegovačke, tako i regionalne muzičke scene. Čast nam je i ponos, prije svega nas iz Organizacionog odbora, ali i svih zaposlenika tehničkih

realizatora - JP RTV ZENICA i JP SPORTSKI OBJEKTI, koji će sve festivalske evente, na najbolji mogući način, iznijeti vlastitim snagama. Naravno, mogu i treba da budu ponosni i svi naši sugrađani, jer smo ovaj, možemo ga nazvati i jubilarnim,

ZSF pripremili i priredili upravo kako bismo sve nas, Zeničanke i Zeničane učinili ponosnim i sretnim, a sve one koji posjete naš Grad tokom festivalskih aktivnosti, učinimo zadovoljnim i motiviramo ih da ponovo dođu u naš Grad.

# Impressum

Pokrovitelj i organizator:

**GRAD ZENICA**

Tehnički realizatori:

**JP RTV ZENICA**

**JP ZA UPRAVLJANJE I ODRŽAVANJE  
SPORTSKIH OBJEKATA ZENICA**

Organizacioni odbor:

Sumea MUJKANOVIĆ, Armin MUJKIĆ,

Mirza SUBAŠIĆ i Nandino ŠKRBIĆ

Kontakt telefon:

+387 (0) 32 449 211

marketing@rtvze.ba

**[www.zenicasummerfest.org](http://www.zenicasummerfest.org)**

facebook

**Zenicasummerfest**



Instagram

**ZenicaSummerFest**

GRAD ZENICA



powered by  
**Bingo**





powered by  
**Bingo**

**2022.**

**29.07. - 17.08.**

[www.zenicasummerfest.org](http://www.zenicasummerfest.org)

facebook

ZenicaSummerFest

